庫全書

子部

欽定四庫

朱子語類卷二

詳校官中書臣程

炎

刑部即中臣許此棒覆勘 總校官中書臣朱

校對官助教臣卜維吉 腾碌監生臣魏淳

耀

大とり事 といかり 欽定四庫全書 朱子語類 提要 錄 門人各錄成編嘉定乙玄李道傳輯廖德明 臣 等三十二人所記為四十三卷又續增張洽 千導江黎靖徳編初朱子與門人問荅之語 等謹案朱子語類一百四十卷宋咸淳庚 卷刻于池州曰池録嘉熙戊戌道傅之 朱子语梅 子部 儒家類

金好日本人 弟性傳續竟黄蘇等四十二人所記為四十 饒州曰饒後録咸淳乙五吳堅 黄士毅所 于建安日建録其分類編 者二十九家又增入未利四家為二十卷列 楊方等三十二人所記為二十六卷亦刊于 六卷刊于饒州曰饒録淳祐已西蔡抗又裒 蜀本又淳祐五子王似續編四十卷刊于 編凡百四十卷史公説刊于眉州 輯者則嘉定已卯 採三銀所餘

易 楊 言六族 後 不一批外滋多睛極乃泉而編之刪 千一百五十餘條分為二十六門頗清 觏 類 記 録 州曰徽本诸本既互有出入其後又翻 緊為刊削亦 有曰朱子嘗言論 中 其中門人意為增減我述不確者 不 論 似聖人法 胡子知言以書為 東子海蜀 漈 語是 有 語 功于朱子靖 孔門 後十篇不及前 漪 肵 心志之大弈 訑 = 徳 除 猶 如包 可 E 重 整 六 録 複 刻]

銀定四庫全書 考之甚矣乾隆四十四年九月恭校上 削鄭任鑰不知此意乃以四書大全所引不 見今本語類者指為或問小注之証其亦不 而况後之書乎觀其所言則今他書間傅朱 子之語而不見于語類者益多為靖德所刪 總 總養官臣紀的臣陸錫能臣孫士毅 校 官 臣 陸 費

讀 天子语题 **輒自删** 仕于朝 與潘時舉 竊記之

義愈精讀之竦然如侍燕間承馨教也思干載而 訛謬者正之有別錄者有不必錄者隨其所得為卷 乙亥十月朔旦門人黄榦謹書 人德之方備矣師生函大間往復話難其辨愈詳 次第凡三十有三家繼此有得者又將以附于後 既以録諸木以榦與聞次輯而俾述其意云嘉定 以傳散失廣其傳耳先生之著書多矣教人求道 堂合果聞而悉歸 已是書之傅豈小補哉贯

欽定四庫全書

とこう見いかう 書與伯兄乃殊不消意且謂不可以隨時應答之語易 生平生所與學者談經論事之語十得其九嗣有所得 去其重複正其記好第其歲月刻之都陽學官復考池 生語錄録水池陽凡三十有三家其書盛行性傳被命 嘉定乙亥歲仲兄文惠公持節江左取所傳朱文公先 錄所餘多可傳者因取以附其未合池錄與今錄凡先 尚續利之池錄之行也文肅黃公直鄉既為之序其後 造朝益加捷訪由丙戌至今得四十有一家率多初本 朱子語頻

以李端伯師說為首盖端伯所記伊川先生嘗稱其最 多好四月全書 禮成於乾道與寅通鑑綱目西銘解義成於壬辰太極 之云真是也然嘗聞和靖光生稱伊川之語曰某在何 得明道先生之古故也至論浩氣一條所謂以直養而 少觀此書而文公先生之言則曰伊川在何必觀伊川 無害云者伊川乃深不謂然端伯猶爾况於其他直卿 平生者述之書性傳謂記者易差自告而然河南遺書 (則不可以不觀矣盖亦在乎學者審之而已先生家 原序

欠己り見上上与 · 朱子語物 著書歲月次第可考也家禮編成而逸既殁而其書出 書雖久至已酉乃始序而傳之楚辭集註韓文考異成 本義啓蒙成於己已丙午之間大學中庸章句或問成 所改也是四書者單思最久訓釋最精明道傳世無復 大學四書後多更定今大學誠意章盖未易簧前一夕 與晚歲之說不合先生盖未嘗為學者道也語孟中庸 於慶元乙卯禮書雖有綱目脫葉者僅二十有三篇其 通書義成於癸巳論孟註問詩集傳成於淳熙丁酉易

當以語為助與詩易諸書異者在成書之前亦當以書 除多所異同而易書為甚吳淵所錄一編與本義異者 錄與四書異者常以書為正而論難往復書所未及者 十之三四大率多合先君文昭本傳之說文昭謂乾坤 遺藴至其他書盖未及有所筆削獨見於疑難答問之 為正而在成書之後者當以語為是學者類而求之斯 之用主於誠敬坎離之用主於誠明世未有通其義者 而先生獨稱之其不執一說惟是之從如此故愚謂語

金好四個有量

とこの見合動 亦 得 恢 其多省中語未敢傳 知之 也先生又有 至其暮年乃 之矣不特此也先生平 於乾道以後者為 是編 馬嘉熙戊戌月正元日後學三 也真不為無益 別錄十 謂言規恢 朱子 語類 卷所 而 邪 ЯP 非 於紹 H 火七之 語錄所載後人安 而學者不 論事甚果規恢其 譚者炎與以來人 與之 今 間者為正言 所 偶 李 性 可 179 存者 以不 得

所遺者亦多矣繼而東陽王元敬似亦以所集利本見 藏包公揚所錄二公在師門為前輩所錄尚未編入 然先師之言滿天下二錄所收亦豈能遽盡哉淳祐戊 多云四月五章 六卷先師之緒言雖未敢謂無復遺逸然所會释益富 寄又得里中 方手所錄寒泉語見示既又於安仁湯叔遜次得其家 鄱陽所利先師文公朱先生語錄固欲續池錄所未備 抗將指江東都陽洪叔魯片以其外大父吏部楊公 朋友所傳一 二家乃悉以次編入為二 則

錄餘凡六家又後錄二十三家其二十家亦池本所: 四十有二家其三十四家池本所未有也再見者兩家 行於世豈斯文之顯晦固自有時乎竊尤有感於此 安蔡抗書 >朱子語錄行於世尚矣池錄三十有三家都本續錄 輒併識其拳拳之意云淳祐已酉中秋日門 及性與天道之妙名曰翁季錄者久未得出以流 獨念先師又有親自删定與先大父西山講論

公司見とき

東子語類.

Ł

錄手抄盈篋凡六十五家今四十年矣晚得池都本參 末學生晚嘉定癸未甲申間侍先君子官長沙師西山 君子畏友也當介以登朱子之門堅縣是多見未行 列岳麓諸生果齊李先生過潭又獲侍講席馬果齊井 真先生体弘齊李先生常進之函丈又事長沙舒先生 改刊者固己多然黄士毅所錄朱子親筆所改定者已 如謝先生在程門無錄者其有錄可傳者既如此矣堅 有也再見者三家合三錄為八十七家及門之士固有 語

多公四月月

火已四年 台馬 今幸 若李壯祖張治郭逍遥所錄亦未有也揭來閩中 矣非有待增益也獨念蚤所聞於父師者問敢失墜 家自為別集以附續錄後集之末泰華髙矣滄海深 加會释以三錄所餘者二十九家及增入未刊者 見於輔廣錄中其所自錄及師言則亦三錄所未有 以學聚問辯中庸篤行先以學問思辯程子以講 删去哉亦並行之可也抑堅聞之大易居行先 是録所己行者如此則其尚有所遺者敢付之 朱子語類 重 四

明審矣朱子教人既有成書又不能忘言者為答問 道義論古今人物為格物致知之首則學非問辯 學天台吳堅敬識 金厂厂口 不發者語錄所不可無也凡讀先生成書者兼及 端以捻同志抑以自警馬咸淳初元嘉平之月後 而不為入耳出口之資為已之學益不然也書 也天地之所以髙厚一物之所以然其在成書 語錄可也若但涉獵乎語錄而不玩味於成書幾 A ATTIE 引

者而它皆附于下至於一條之内無一字之不同者必 或能盡得於言而首尾該貫或不能盡得於言而語脉 とこうこ ここ 抄録之際嘗相參校不則非其聞而得於傳録則亦惟 家或病諸家所記互有重被乃類分而考之盖有一時 間斷或就其中粗得一二言而止今惟存一家之最詳 之所同聞退各抄録見有等差則領其意者斯有詳略 一家而注與某人同爾既以類分遂可繕寫而略為 **未子** 每 頻

右語類總成七十家除李侯貫之巳刋外增多三十八

義例以為後先之次第有太極然後有天地有天地然 骸此理而作之者任道統之責也然後自我朝及歷代 故以太極天地為始乃及於人物性命之原與夫古學 後有人物有人物然後有性命之名而仁義禮智之理 我好四月全書 則人物所以為性命者也所謂學者求得夫此理而已 君臣法度人物議論亦略具馬此即理之行於天地設 程朱子所以傳此理者也乃繼之以斥異端異端所以 之定序次之以羣經所以明此理者也次之以孔孟周

位之後而著於治亂與衰者也凡不可以類分者則 則 自 雜次之而以作文終馬益文以載道理明意達則辭 及 其文雖工其意多悖故特次之於後深明夫文為 成文後世理學不明第以文辭為學固有竭終身 詳 而 力 今而觀之則夫理 精 理為本也然始馬妄易分類之意惟欲考其重 思巧製以務名家者然其學既非其理不 目在前互相發明思已過半至於產 而名殊問同而答異者淺 經 則 明

者故當 皆 欽定四庫全書 斯 自今以後雖斯道未能盛行於 者必不乏人不至於干 足以起或問之所未及校本義之所未定補書 灼然 編 所未成而大學章句所謂髙入虛空早流功 類成編積百四十卷同志製於傳錄而眉上東康似 抑自信云 謂孔孟之道至周程而復 知其所指而不為近似 原序 五百年之久絕而不續反復 世而 PIT 陷 明至朱子而大 誦遺書私淑义 溺矣誠非 11. 利 補 明 説

改本校之則去其所改而及存其所勾者合三十餘 見先生語之類今則後其舊或士毅所傳本多於幷 乃答填書不當取為類故今不載又輔廣所録以先 願 今亦惟據改本白首連数至君子所貴乎道者三而 無傳錄之數也獨池本陳植一家惟論 **發于木士殺之類次雖犯不韪而不役固辭者庶幾** 剛者悉類入而不去文異者則站注一二條云 **耳者或有一** 條析為三四條如實從周録 條按遺 設注

卷雖出於臆見而實本先生教人之方後學於此三復 故近聞之直卿欲求元本判改而未能也至於或出於 而得夫入道之門則能總會是編而體之於身矣己 追述或得於傅聞則文辭之間不無差誤凡此之類讀 據所授以加讎校且有增改於巳讎校之後者不與馬)所次輯然李侯貫之惟據所傳以投直卿而直卿 本作其字以上皆與池本異者盖池本雖黄侯直 詳考四書及他記録而折衷其所疑可也惟學類七 亦 卿

欽定四庫全書

九

ロチ **尋弗去予既補外漢卿悉舉以相界嘉定元年予** 盡得公平生語言文字每過予 開禧中予始識輔漢卿于都城漢卿從朱文公最 都 彤 月望日門 儒先之 敢傅者恐以誤後學耳周柳艴然曰異至是予 度周卿請刻本以幸後學予曰予非敢靳也 知今之學者之病乎凡千數百年 講 、莆田黄士 析既精後學之 ,相與熟思誦味輒 秤類亦 不得其傳者 廣而閩 所 留

こり見と時

朱子貂類

+

蜀 厨 程子之意類聚孔孟言 文或以語 聖書而後為學乎亦 後數年竟從予乞本刊 物几苟有小慧纖能涉其大指 好 之録刻者已徧於天下若稍 非公所云云者乎吾 徑之心滋入耳 諸 八則亦 若 出口之 臤 甚 諸此 仁 諸青衣彼不 稍當從事馬者奚必 一懼馬 而文公猶恐長學者 弊 而足矣且張宣公以 捐貲用則立可 髙 脱是書之 則亦能以 聊 過余 繇是 所藏 綴 姑 行其無 説 誦 徐 輯 欲 充

多少口尼

石量

序

之六七今史廉叔所得黄子洪類本則公之說至是 益為世之專事乎耳目口筆苟以詳衆取寵而無志 幾無復遺餘矣應叔將板行以予有志於斯也屬叙 之二三耳然子且謂周卿曰子其以此意著于篇端 とこうき ニトラ 以作予為言當以告周柳者產叔曰然則己諸 學者母襲是弊也其後李貫之利于江東則已 以為之也而東舜好德之心誰獨無之子前所憂 無傷雖然安於小成甘於自棄者氣質之偏而 朱子語類

亥朔臨印魏了翁序 **馬子洪名士毅姑蘇人嘗類文公集百五十卷今藏** 閥其傳孟遂以此冠篇而併刻之將聽學者之自擇 **丹遠且大者也儵不忍自薄其身則無寧深體熟玩** 之策府又類注儀禮未成書云嘉定十三年九月丁 以為求端用力之模準者乎今未可概以是為疑而 訓後世朱子語類之編其亦傚是意而為之者也或曰 語 一書乃聖門高弟所集以記夫子之嘉言善行垂

一多片四月全書

7. 17 in 1.1. 黨之記言行公冶長辨人物之賢否微子載聖賢之出 言仁處類聚觀之熊則語類之集其有功於學者多矣 **愿非有以會而通之則祇見其異耳大傳曰觸類而長** 處亦何嘗不以類哉天下之理同歸而殊逢一致而百 之天下之能事畢矣而伊川之誨學者亦必曰將聖賢 語少以類相從豈論語意數曰學而一篇所記多務本 新安信有紫陽書堂而紫陽之書未備也通守洪君熟 之意里仁七章所記皆為仁之方若八佾之論禮樂鄉 **未子**语 簡

| 欽定匹庫全書 成郡侯謝工部坐屬余為政其梗概余不得辭也因僭 長之訓也若夫憚煩勞安簡使以為取足於此則朱子 為之說曰理有可以類通而非可以類止是其然必有 教授張君文虎相與謀以蜀本語類列之越二歲而書 通贯不格於一事一物而止則無愧於吾夫子觸類 所以然學者因其類以完極朱子之全書使此理融會 固嘗以是為學者病矣烏乎可抑二君推廣私淑之意 亦賢矣哉淳祐壬子六月望日蔡抗序 杂· 序 而

ì

用子 知舊 言精 有餘家既東以為婺錄而繼 無事益曾潛心而觀之審訂其複重參釋其端 公朱先生語類 錄 出讀者病馬子洪既以類流傳便於玩索而 洪已定 知其有心於纂輯亦頗互出所有以見示凡 語 猶有所遺似每加訪求得所未見自是朋 語以類相從也先是池本饒本人各為錄 門目科為續頻 百三十 未子浴桶 Ŕ. (卷壺山黄子洪取 四十 之者尚未父也 卷或謂前類 怭 緒 間 微 幽

道髙 飲定匹庫全書 反復尋釋能 其問有淺深故於教告亦有不同其視文公先生 徒博然亦不可以不博而徑約也又況文公先生之 為少矣又以續類附益之不已多乎竊謂學固戒於 精為不能得其全者尚多有之必也為信好學 厭戰不然則雖先生平 中庸之趣始可渐而求似每觀諸家所錄 明廣大致極無遺學者正當盡博約之方而 知所盡心馬 雠 日己著為定論之書 以前續之繁固將 無 尚

序 從事於詳説反約之功云爾淳祐壬子上冬王似 有 へんこりらい かんり 此遂舉以屬之且竊識于後庶幾乎與願學之 類為寄因以續 安魏史君益鶴山先生之 院之傳布其樂於闡 語尚有所傳固不容有所忽而不究其所 憚 而不肯觀而 類為請 况於此乎哉然則先生片言 朱子 語期 明文公先生之遺訓益 而 嗣 慨然欲併刊之以 也近以紫陽所 ţ 歸 全. 也

動定四月全書 既没其傳遂泯歷春漢隋唐至於有宋周程張朱諸 自帝王道化不行於天下而後孔孟道學之傳與孟氏 者有所據依以為學則功未有盛於朱文公先生者 喻尤為易晓如此者殆 文公傳註成言至精至粹固已家傳人誦之矣而 剖析天人事物之為與而折束厚壁賢之述作件學 人進而請益退而各記所開者其語尤詳其詳 出而後道學復明馬然冤其推演性命道德之 百餘家蜀士李道傅始取 而 辨 一時 精 君 博 ŧIJ.

傳録者又不免乎亥豕之訛也三山陳君煒自天順 卷於是文公遺語備諸此矣惜乎板本今不復傳問 因士毅門目以類附馬而名曰語類大全凡一百四十 讀者病馬最後導江黎靖德祭校諸書去其重複謬誤 辰第進士為御史屢欲訪求善本而不得成化庚寅 為語録前田黄士教又因而類分之曰語類語録 江右始訪於豫章胡祭酒順庵先生家得印本中 續錄後錄別錄語類之外有續類諸書並行錯出 1 副

欽定四庫全書 賢之城則理有不明心無實得豈善學哉惟其不善學 得全本而缺者尚一二合而校補遂成全書欲重刻以 非譚經論事明理之言也學者不循其言以求至乎里 **弁勸部民之好義者出貲以相其成自今春始工期以** 二十餘卷明年分巡湖東又訪於崇仁吳聘君康齊家 秋畢因寓書語予以其故并徵序馬愚謂文公遺語無 廣其傳謀於憲使嚴郡余公公喜倡諸同寅各捐俸餘 也是以性汨於氣私勝而理微注措云為鮮有不戾道

吾黨之士之幸數幸矣而不自勉不可有志者誠以文 助其用心置淺淺者哉而是書之傳今自江右始抑 是書刻而傳之以惠學者以端其習以為里朝道化之 由然也竊嘗病此而力未能敢恒用愧歎而已公暇覽 者士習日以平陋民風日以頹樂而治道不能復古有 切易晚可為入道之指南故也陳君有見乎此乃力求 有是書為恨何則聖賢格言大訓世非不多而此尤明 **矧秘書喜誦語類以自益因嘅見此不早且以不能** 朱子語類 ナバ 非

轍正矣慎毋憚其浩博而止亦毋徒資 年癸已秋九月朔旦彭時序 1901/11 公成言為主而以語類為助博 語類原序)因書篇首願與四方之士共勉爲成化九 原序 以求入道則途

九己日臣 ALANT 朱子語類門目 理氣 鬼神 斯 者雖異其所以為思神者則同知其異又知其同 神人死為思是也祭祀之思神神亦祖考是也三 其别有三在天之鬼神陰陽造化是也在人之鬼 太極陰陽凡形於法象者二卷 可以語思神之道矣故合為一卷 朱子語斯

多为四周台语 學 性理 故以性情心意等之命名者為一卷仁義禮智等 **稟之性為一卷古人之學必先明夫名義故為學** 有終身味馬而不察者又安能及而體之於身哉 也易而求之不差後世名義不明故為學也難盖 論性不論氣不備故先總論人物之性而繼以氣 之命名者為一卷共三卷 P] E

钦定四庫全書 明 法不容變易如近世之逞虚言而不實踐乃學者 之罪正原於知之未致非教之失也苟或懲此別 而后齊家治國平天下之道也從上聖賢相承定 即大學致知而后誠意正心脩身誠意正心脩身 為一卷共七卷朱子教人之序如此因敢次第之 知行為一卷次專論讀書之法為二卷乃致知之 先之以小學為一卷總論為學之方為一卷次論 端也次則及夫持守為一卷又次則終以行事 9朱子語類

孟子十一卷 論語三十二卷 八學五卷 則無矣非理學之功用也 規模狹隘不過於循點自守而已所謂經綸大經 其終之樊必至廢書而流於異端不然所見不充 法後致知而先行事則其始雖若有近效而 沙ピロ軍全島 易十三卷 卦次之而原易之作則本教天下之占故卜筮次 凶故象次之此伏羲之易朱子所謂本義也此則 氣數故圖書次之易本圖書而畫故伏羲六十四 有氣而後有數故先陰陽而數始次之物受形於 易類悉本卦爻次第上下繋就序卦亦本古注分 章今後惟綱領三卷則畧為義例氣數雖並行然 之而所以教天下之占者則假奇偶之體以象吉 朱子語期

金月四月八雪 為二卷易始無辭更文王周公孔子而辭始備故 繫三卷說序雜卦一卷 學者有考馬此則為一卷上經四卷下經二卷下 義可以類推而通者而復終之以人事以明易為 以三子之易然後總論夫讀易之方與夫卦文等 子而始明易之數又至朱子而始推易之占故繼 三里之易越千有餘年至程子而始演易之理邵 人事用也凡後世之言易者其得失客次于後使

次至四重全事 禮八卷 詩二卷 樂一卷 書二卷 孔孟周程張邵朱子 春秋一卷 孝經一卷 自孔子及顏曾弟子至孟子以周程張子共附為 朱子珞頻 ro)

文集附馬張子之書為二卷亦別入近思者邵子 第别為二卷其非入近思者以類而從別為一卷 卷論治道一卷論取士一卷論兵刑一卷論民財 之書為一卷程子門人為一卷楊氏尹氏門人為 卷程子之書為三卷凡係入近思者皆依卷次 卷論注書為一卷已上端經外任一卷內任 卷周程所以上繼孔孟也然後分周子之書為 卷羅氏胡氏門人為一卷朱子自論學工夫為

金グロガ とご

大人口 日本人 一年 朱子语频	歷代三卷	本朝六卷	釋氏一卷	老莊一卷	陸氏一卷	陳葉一卷	吕伯恭一卷	一卷論官一卷訓門人九卷
3								·

Patrician and the state of the second state of

少とりを全ち 朱子語類姓氏 禁賀孫字味道括養 李方子即武人 陳文蔚字才鄉 輔度 字漢鄉處源 廖德明守子時 李閎祖守守約 余大雅字正叔 戊申以後 戊申以後 戊申以後 甲寅以後 戊戌以後 癸巳所聞 朱子梧期 池銀+十一 池绿四 池録三 池録 池録が 池绿五 池銀二 饒銀四十六

多分四万 含言 王铁守权重 考村婺源人 供守正年 樂平人 與國人)字季子 建學人 字仲愚 天台人 丹陽人 字子善 丙申一卯所 丙午 丙辰 丑以所 所後 所開後 所以 が 所門 池銀十六 池銀十七 銀+ 级+ 録 [E] 饒銀四十六 饒銀四六 饒銀四十六 銀四十六

てこりも 暑淵治暖人 甘節時十八 徐容守在父 林恪安叔恭 該守益仲 我門字毅然 如財子夢妈 少死夫 2.1.5 人臨漳人 癸丑以後 癸丑所 癸丑所 **癸丑**以後 癸丑所 辛亥所 朱子招约 池銀三十 池銀二六 池銀二十六 池銀二十五 池銀二十四 池銀三十三 池銀二十九 池銀二十二 能銀四十六 饒銀三六 =

多定匹库住書 沈個永嘉人 曾祖道字闕 湯永字叔永 錢木之人富永春 林夔孫守子武 潘優孫守坦新婺源 孫自修宣城人 郭友仁人偶既安 戊午附 戊午以後 丁巴爾所 甲寅所 甲寅所 丁巴附所 卯所 **がり** 池銀二十二 池銀三十七 池銀三十六 池銀三十二 池銀門 池銀三十二 池绿点年四〇三十五 池銀三六三十九

局談与外死 潘柄字旗之 黄幹写真卿 魏椿字元寿 何為守以京 程端蒙部陽人) 與國人 ,岳陽人 大中巴西州**能**銀八 戊申所 癸卯以後 闞 一方以後)亥以後 大所 大以前 池銀四十三 饒銀二 饒銀四 饒銀三 饒銀七 饒銀 饒銾 入 五 饒銀三十 饒後銀二十四 饒後録

欽定匹厚全書 黄鹤字子耕 陳淳先沒人 楊展字子吊道 膝棒字德粹 楊岩海失見 鄭可學等子上 章伯雨等 土力行写近思 分等人 夫族兄 道 展成已未所能銀十二已酉甲寅所能銀十二 戊 申 附 所 **庚戌** 悶 饒銀丸 饒銀十五 饒銾+ 饒銀+六 饒銀+ Ł

てこうし ハギ 祭 想字行夫 局明作建門人 歐陽譙 鄭南 楊與五字闕 消城 黄升卿 游敬仲 不知何氏 湖州人 _字闕 阚 南宇連杁)字晞谜 癸丑所 癸丑所 壬子稣所 亥同合 朱子語類 亥附 亥所 所機 果頭見 能銀二十四 饒飯二十六 饒銀二十三 饒銀二十五 饒銀二十 饒銀二十二 饒 饒銀二十 绿+

多灰四月全世 工過等幼觀 植野立之 內房俱是 上泉 州人 宇聞 関 三山人 平寅以降 五 開放 癸丑甲寅所 甲寅所 癸丑所 卯以後 饒銀三十二 饒銀二十九 饒銀三十二 饒銀三十三 饒銀三十四 饒後銀二五

吳珠字件 不知何, 楊長孺字伯子 不知何氏 汀州人直 德遠南康人字德昭弟與 汀州 邵武人 iá 字 甲寅記 内 閼 午月 **大**同 録舍 附外 饒 饒 餱 餹 九銀四十 銾 銀四十五 銾 四十三 銾 三十九 פיו 问有疑 有一 פע 疑問 已 上 过族大 o 詳三 之家

欽定四庫全書 黄瀬字商伯 李輝字晦久 劉弘守徒 劉子 少属 三山人 浩 闕字 一字阙 字庭秀 씽 建陽人 醐 人之 丙午所 庚戌所 已未所 壬子 焖 闕 大 州 西里軍以後銀七 姓号古出来 開所 饒後録+ 能後録九 競後録十 饒後銀八 饒後 饒後録+ 銀十 四 £

1

}

呉振 問 鍾震津州人 汪徳 字闕 朝守長孺 闚 字 剛 /字閥 闕 阚 甲寅所 巴未稣 阚 壬子所 阚 闕 闕 寅附 饒後録 饒後録二 饒後録+ 饒後録二十二 饒後録ニナ 饒後録+ 饒後録 饒後録+ h Ł 五 + ょ

枡	一之	李公謹写闕	李壯祖守處謙	黄士毅守子洪	江元	江良	舒馬字閥	欽定四庫全書
閥	椆	閥	閥	闕	丁未癸丑所	甲寅附	甲寅所	姓氏非为非为
微續類	蜀類	蜀類	蜀類	蜀類	附池録後	饒後録ニナ六	饒後録二十二	
-				徽續類	2	十六	+	ᆺ

,

A			不知何氏	郭逍遥字問
) । की जि			阚	闷
			建别銀十九	建别録十八
,				

欽定四庫全書 性氏打刺

1 No. of Lot, 100.

:

問太極不是未有天地之先有箇渾成之物是天地萬 欽定四庫全書 物之理總名否曰太極只是天地萬物之理在天地 言則天地中有太極在萬物言則萬物中各有太極 朱子語類卷 **水有天地之先畢竟是光有此理動而生陽亦只是** 理氣上 太極天地上

為先後不可只道今日動便為始而昨日静更不說 理静而生陰亦只是理問太極解何以先動而後静 **寂陽前又是陰而寂前又是感静前又是動將何者** 先用而後體先感而後寂曰在陰陽言則用在陽而 起處言之畢竟動前又是静用前又是體感前又是 體在陰然動靜無端陰陽無始不可分先後今只就 也如鼻息言呼吸則辭順不可道吸呼畢竟呼前又 是吸吸前又是呼淳

欽定四庫全書

卷 子語類

若無太極便不翻了天地方子 問昨謂未有天地之光畢竟是先有理如何曰未有天 太極只是一箇理字人傑 地之先畢竟也只是理有此理便有此天地若無此 曰是曰理無極氣有極否曰論其極將那處做極淳 流行發育萬物曰發育是理發育之否曰有此理便 理便亦無天地無人無物都無該載了有理便有氣 有此氣流行發育理無形體曰所謂體者是強名否

欽定四座全書 問 先有箇天理了却有氣氣積為質而性具馬版仲 有是理後生是氣自一陰 問理與氣曰伊川說得好曰理一分殊合天地萬物而 天下未有無理之氣亦未有無氣之理無以成 言只是一箇理及在人則又各自有一箇理養縣 理與氣曰有是理便有是氣但理是本而今且從理 仁義徳明 ,說魚如云太極動而生陽動極而靜靜而生陰不 **卷一路類** 陽之謂道推來此性自 馬 〇形 铢而 有 理

成動已前便無静程子曰動静無端盖此亦是且自 復生元無窮如此又問元亨利貞是備箇動静陰陽 動静之間否曰是静之終動之始也且如四時到得 冬月萬物都歸窠了若不生來年便都息了盖是貞 之端若只一開一闔而無繼便是闖殺了又問繼是 如云一陰一陽之謂道繼之者善也這繼字便是動 那動處說起若論著動以前又有静静以前又有動 之理而易只謂乾有之曰若論文王易本是作大亨

問先有理抑先有氣曰理未嘗離乎氣然理形而上者 我得之不久耳頭緣の義 自是文王易孔子因文王底說又却出入乎其間也 得一碗都是這海水但是他為主我為客他較長父 只在這裏如一海水或取得一杓或取得一檐或取 以某嘗說易難看便是如此伏羲自是伏羲易文王 利貞只作两字說孔子見這四字好便桃開說了所 又問有是理而後有是氣未有人時此理何在曰也

一飲定四庫全書

基子語類

或問理在先氣在後曰理與氣本無先後之可言但推 或問必有是理然後有是氣如何曰此本無先後之可 别為一 言然必欲推其所從來則須說先有是理然理又非 粗有渣浑淳 **氣形而下者自形而上下言豈無先後理無形氣便** 搭處氣則為金木水火理則為仁義禮智人傑 去時却如理在先氣在後相似又問理在氣中 物即存乎是氣之中無是氣則是理亦無掛 夫子召頭

欽定四庫全書 或問先有理後有氣之說曰不消如此說而今知得他 用租道 氣不結聚時理亦無所附著故康節云性者道之形 體心者性之邪那身者心之區字物者身之舟車問 見處如何曰如陰陽五行錯綜不失條緒便是理岩 道之體用曰假如耳便是體聽便是用目是體見是 得而推完然以意度之則疑此氣是依傍這理行及 合下是先有理後有氣邪後有理先有氣邪皆不可

問有是理便有是氣似不可分先後曰要之也先有理 只不可說是今日有是理明日却有是氣也須有先 情意無計度無造作只此氣凝聚處理便在其中 能臨職凝聚生物也但有此氣則理便在其中 是箇淨潔空澗底世界無形迹他却不會造作氣則 此氣之聚則理亦在馬蓋氣則能凝結造作理却無 如天地間人物草本禽獸其生也莫不有種定不會 無種子白地生出一箇物事這箇都是氣若理則 朱子语簡 <u>5</u> 僴 E

徐問天地未判時下面許多都已有否曰只是都有 問天地之心亦靈否還只是漠然無為曰天地之心不 問天地之心天地之理理是道理心是主牢底意否曰 後且如萬一山河天地都陷了畢竟理却只在這裏 胡泳 理天地生物千萬年古今只不離許多物拜。 而成化聖人有心而無為淳 可道是不靈但不如人恁地思慮伊川曰天地無心 此

欽定四庫全書

道夫言向者先生教思量天地有心無心近思之竊謂 天地之道曰如此則易所謂復其見天地之心正大 似否曰人字似天字心字似帝字義剛同 生者盖以其合當如此便如此不待思惟此所以為 有營為天地曷嘗有思慮來然其所以四時行百物 外別有箇理理外別有箇心又問此心字與帝字相 心固是主牢底意然所謂主军者即是理也不是心 天地無心仁便是天地之心若使其有心必有思慮

欽定四庫全書 成化里人有心而無為曰這是說天地無心處且如 為心中間欽夫以為甚不合如此說其謂天地別無 却自定程子曰以主军謂之帝以性情謂之乾他這 處爾若果無心則須牛生出馬桃樹上發李花他又 而天地之情可見又如何如公所說私說得他無心 名義自定心便是他箇主军處所以謂天地以生物 勾當只是以生物為心一元之氣運轉流通畧無停 間只是生出許多萬物而已問程子謂天地無心而 长子語類

草木禽獸接著遂為草木禽獸之心只是一箇天地 普及萬物人得之遂為人之心物得之遂為物之心 問普萬物莫是以心周獨而無私否曰天地以此心 只恁定說不得道夫 之心爾今須要知得他有心處又要見得他無心處 而無心聖人之常以其情順萬事而無情說得最好 四時行百物生天地何所容心至於聖人則順理而 已復何為哉所以明道云天地之常以其心普萬物

欽定四庫全書 萬物生長是天地無心時枯槁欲生是天地有心時す 問上帝降東于民天将降大任於人天祐民作之君天 是推原其理如此曰此三段只一意這箇也只是理 生物因其材而篤作善降百祥作不善降百殃天将 等類是蒼蒼在上者真有主宰如是邪抑天無心只 降非常之禍於此世必預出非常之人以擬之凡此 恁地循環去無有衰而不盛者所以降非常之禍於 如此氣運從來一盛了又一衰一衰了又一盛只管

蒼蒼之謂天運轉周流不已便是那箇而今說天有箇 **足已可居公事** 須是還他開 姓天紀幾芬非唐不濟非宋不存千世萬世 秦降及两漢又歷三分東西級擾南北紛紜五胡, 舜湯武桓文皇王帝霸父子君臣四者之道理陷於 世定是生出非常之人邵堯夫經世吟有云羲軒克 是理為主淳 人盖一治必又一亂一亂必又一治胸 淳 朱子語類 只是 树 有

金好四四百百 天地初間只是陰陽之氣這一箇氣運行磨來磨去磨 清剛者為天重濁者為地道大 有單訓理時說主宰者也 可這裏要人見得的〇又個問經傳中天字日要人 中央氣之清者便為天為日月為星辰只在外常 得急了便拶許多渣浑裏面無處出便結成箇地在 環運轉地便只在中央不動不是在下淳 在那裏批判罪惡固不可說道全無主之者又不

ととりまたは 天包字地天之氣又行字地之中故横渠云地對天不 天以氣而依地之形地以形而附天之氣天包乎地地 天運不息畫夜報轉故地推在中間使天有一息之停 為地道夫 **隤然不動使天之運有一息停則地須陷下道夫** 特天中之一物爾天以氣而運乎外故地推在中間 中間地者氣之渣滓也所以道輕清者為天重濁者 則地須陷下惟天運轉之急故凝結得許多渣浑在 朱子語類

季通云地上便是天端蒙 天只是一箇大底物須是大著心腸看他始得以天運 地却是有空闕處天却四方上下都周匝無空闕這塞徧 多为也是人一 過极 满皆是天地之四向底下却靠著那天天包地其氣 見地廣處湖 無不通恁地看來渾只是天了氣却從地中迸出又 言之一日固是轉一匝然又有大轉成時候不可如

山河大地初生時須尚軟在氣質。 天地始初混沌未分時想只有水火二者水之海脚便 天明則日月不明天無明夜半 成地今登髙而望羣山皆為波浪之狀便是水泛如 問想得如潮水湧起沙相似曰然水之極濁便成地 此只不知因甚麼時凝了初問極軟後來方凝得硬 火之極清便成風霆雷電日星之屬例 一個 夫子吾質 黑淬淬地天之正色 僴

欽定四庫全書 西北地至高地之高處又不在天之中 義則 通 地有絕處唐太宗收至骨利幹置堅見都督府其地夜 唇太宗用兵至極北處夜亦不曾太暗少頃即 皆赤楊 鑑說有人適外國夜熟 易晚夜亦不甚暗盖當地絕處日影所射也其人 在地尖處去天地上下不相遠掩日光不甚得揚 失處日入地下而此處無所遮蔽故常光明及從東 羊脾而天明此是地之狗 天明謂

問自開闢以來至今未萬年不知己前如何曰己前亦 問康節論六合之外恐無外否曰理無内外六合之形 出而為晚其所經遊發處亦不多耳義明 只算得到日月星辰運行處上去更第不得安得是 上面許多下面亦許多豈不是六合之外歷家等魚 須有內外日從東畔升西畔沉明日又從東畔升這 須如此一番明白來又問天地會壞否曰不會壞只 無内外淳 朱子唇順

造化之運如磨上面常轉而不止萬物之生似磨中撒 天地不恕謂肅殺之類振 可幾問大釣攜物還是一去便休也還有去而復來之 多如風然揚 盡又重新起問生第一箇人時如何曰以氣化二五 是相将人無道極了便一齊打合混沌一番人物都 理曰一去便休耳豈有散而復聚之氣道大 之精合而成形釋家謂之化生如今物之化生者甚

欽定四庫全書

W.

卷一十十

問氣之伸屈曰譬如将水放鍋東煮水既乾那泉水依 とこり見と 出有粗有細自是不齊又曰天地之形如人以兩盌 呼風時腹却脹吸風時腹却厭論來呼而腹厭吸而 **股脹乃是今若此者盖呼氣時此一** 前又來不到得将巴乾之水去做它雖緣 相合野水於內以手常常掉開則水在內不出稍住 口氣復生故其股脹及吸氣其所生之氣又從裏趕 手則水漏矣過 *子語類 ţ 口氣雖出第 <u>+</u>

動方四四石一 數只是等氣之節候大率只是一箇氣陰陽播而為五 耳廣 出故其腹却厭大凡人生至死其氣只管出出盡便 猶索篇乎動而不屈虚而愈出素篇只是今之鞘扇 死如吸氣時非是吸外氣而入只是住得一 年月日時無有非五行之氣甲乙丙丁又屬陰屬陽 行五行中各有陰陽甲し木丙丁火春屬木夏屬が 口氣又出若無得出時便死老子曰天地之間其 霎時第

たこりをとす 數使然竟舜禹舉文武周召得其正孔孟夷齊得其 者貴賤毒天皆然故有參差不齊如此聖賢在上則 只是二五之氣人之生適遇其氣有得清者有得濁 如祖宗諸臣者是極而復者也楊録云碩果如大睡 偏者也至如極亂之後五代之時又却生許多聖賢 無福禄者亦有得其氣濁有福禄而無知者皆其氣 其氣中和不然則其氣偏行故有得其氣清聰明而 覺及醒時却有精神〇揚録此下云今却能訴 朱子語類

陰陽是氣五行是質有這質所以做得物事出來五行 陰陽五行之理須常常看得在目前則自然牢固矣 動身四月石量 天地統是一箇大陰陽 甲乙甲便是陽乙便是陰高。 雖是質他又有五行之氣做這物事方得然却是陰 蘇了是大 二氣截做這五箇不是陰陽外別有五行如十 月之陰陽 大可爱也即定魚息木 Ħ 時皆然楊蒙の 年又有一年之陰陽一月又 陰 傑

|飲定四庫全書 氣之精英者為神金木水火土非神所以為金木水火 五行相為陰陽又各自為陰陽端蒙 問前日先生答書云陰陽五行之為性各是一氣所稟 成其光則一也節 應而曰且如這箇光也有在硯蓋上底也有在墨上 問這箇莫是木自是木火自是火而其理則一先生 同者氣也又曰他所以道五行之生各一其性節復 而性則一 也两性字同否曰一般又曰同者理也不 卷一格類 1. 1

金木水火土雖曰五行各一其性然一物又各具五行 箇硬成五行之説正蒙中説得好又曰木者土之精 濕底意思木便是生得一箇軟底金便是生出得 植 華也又記曰水火不出於上正蒙一 自是生水地二自是生火生水只是合下便具得)理不可不知康節却細推出來個 | 者是神在人則為理所以為仁義禮智信者是也 一段就得最好

欽定四庫全書 論陰陽五行曰康節說得法密横渠說得理透邵伯温 水火清金木濁土又濁可學 問黃寺丞云金木水火體質屬土曰正蒙有一説好 載伊川言曰向惟見周茂叔語及此然不及先生之 肯亂下一字節 說金與木之體質屬土水與火却不屬土問火附木 而生莫亦屬土否曰火自是箇虚空中物事問只温 **火作之氣便是火否曰然胡雨** A.子語频 0 支

問四時取火何為季夏又取一番曰土旺於未故再取 土無定位故今歷家以四季之月十八日為土分得七 之土寄旺四李每季皆十八日四箇十八日計七十 十二日岩説播五行於四時以十干推之亦得七 **基則以為此語恐誠有之カラ** 有條理也欽夫以為伊川未必有此語蓋伯温妄載 日方子。 日其他四行分四時亦各得七十二日五箇七十 禹同

清明內影濁明外影清明金水濁明火日何 陰以陽為質陽以陰為質水內明而外暗火內暗而 火中有黑陽中陰也水外黑洞洞地而中却明者陰中 alabama hakka 問古者取火四時不同不知所取之水既別則火亦異 否曰是如此胡泳 明横渠曰陰陽之精互藏其宅正此意也此離 之陽也故水謂之陽火謂之陰亦得伯 日共凑成三百六十日也例 朱子語類 33 大 o

|豺灾匹戽全書 天有春夏秋冬地有金水水火人有仁義禮智皆以四 問學者云古人排十二時是如何諸生思未得先生云 春為感夏為應秋為感冬為應若統論春夏為感秋冬 者相為用也季礼 志是從之從心乃是心之所之古時字從之從日亦 為應明歲春夏又為感可學。 是日之所至盖日至於午則謂之午時至未則謂之 未昨十二時皆如此推古者訓日字實也月字缺也

天之行災涨 月則有缺時日常實是如此如天行亦有差月星行 又遅趕它不上惟日鐵定如此又云看北斗可以見 朱子吾司

.... 如何見得天有三百六十度甚麼人去量來只是天行 天文有半邊在上面須有半邊在下面湖 欽定四庫全書 節 得過處為度天之過處便是日之退處日月會為辰 朱子語類卷二 理氣下 天地下 失子语句

欽定四庫全書 問同度同道曰天有黃道有赤道天正如 叔器問天有幾道曰據歷家說有五道而今且将黃亦 有一常見不隱者為天之盖有一常隱不見者為天之 底節 赤道之間義剛 道之内 赤道是那匣子相合縫處在天之中黃道一半在赤 道説亦道正在天之中如合子縫模様黄道是在 半在赤道之外東西两處與赤道相交度 圓厘相 那 似

恰當著其中暗處故月蝕們 然歷家又謂之暗虚盖火日外影其中實暗到望時 向如一箇在子一箇在午皆同一 赤道十字路頭相交處厮撞著望時是月與日正相 在下面遮了日故日蝕望時月蝕固是陰敢與陽敵 所以蝕於朔者月常在下日常在上既是相會被月 度日亦在畢十 是将天横分為許多度數會時是日月在那黃道 度雖同此一 とという 度却南北相向日 度謂如月在畢十

天一日周地一遭更過一度日即至其所趕不上一度 問周天之度是自然之數是强分曰天左旋一畫一夜 月不及十三度天一日過一度至三百六十五度四 差遠或别是一星了胡泳 今日恁時看時有甚星在表邊明日恁時看這星又 百六十五度四分度之一方是一周只将南北表看 分度之一 行一周而又過了一度以其行過處一日作一度三 則及日矣與日一般是為一春楊

欽定四庫全書

欠已り更大時 天行至健 却在斗德明 稍遲一度月又遲十三度有奇耳因舉陳元滂云只 差堯時昏旦星中於午月令差於未漢晉以來又差 似在圓地上走一人過急一步一人差不及一步又 今比克時似差及四分之一古時冬至日在牽 周恰好月却不及十三度有奇只是天行極速日 人甚級差數步也天行只管差過故歷法亦只管 日一夜 一周天必差過一 *子語類 一度日 B

天最健一日 考問祖 故有日月五星右行之説其實非右行也横渠曰天 退之度却云日行一度月行十三度有奇此乃截法 比日大故緩比天為退十三度有奇但歷家只葬所 **蝬衡禮疏星回于天漢志天體沈括渾儀議皆可察** 行三百六十五度四分度之一但比天為退一度月 左旋處其中者順之少遲則反右矣此說最好書疏 周而過一度日之健次於天一日恰好

問天道左旋自西而東日月右行則如何曰横渠說日 數遂與天會而成一年月行進一日一夜三百六十 過之度又恰周得本數而日所退之度亦恰退盡本 比天進一 月皆是左旋說得好盖天行甚健一日一夜周三百 退二度積至三百六十五日四分日之一則天所進 天一日一夜周三百六十五度四分度之一正恰好 六十五度四分度之一又進過一度日行速健次於 度則日為退一度二日天進二度則日為

|火色可重全書 |

朱子語類

然則日行却得其正故揚子太玄首便說日云云向 字說得天之大體亦好後漢歷志亦說得好義則級 **筹只以退数算之故謂之右行且曰日行遲月行速** 不及東漢志較詳事問月令疏地冬上勝夏下降是歷志說道理處少事問月令疏地冬上勝夏下降是 **廋之説推之乃知其然又如書齊七政疏中二三百** 來久不晚此因讀月令日窮于次疏中有天行過 進數為順天而左退數為逆天而右歷家以進數難 五度四分度之 行不盡比天為退了十三度有奇

天道與日月五星皆是左旋天道日 天左旋日月亦左旋但天行過一度日只在此當卯 方知海の美 否曰未便理會到此且看大綱識得後此處用度笙 泳 度日亦日一周天起度端終度端故比天道常才及 卯當午而午某看得如此後來得禮記說暗與之合 度月行不及十三度四分度之一今人却云月行 周天而常過 <u>ኤ</u> 而

欽定四庫全書 問天道左旋日月星辰右轉曰自疏家有此説人皆守 度上明日旋一轉天却過了一度日遲些便欠了 這箇物事極是轉得速且如今日日與月星都在這 定其看天上日月星不曾右轉只是隨天轉天行健 日月之度耳至 速日行遲此錯說也但歷家以右旋為說取其易見 度月又遲此又欠了十三度如歲星須一轉争了十 度要看歷數子細只是璇璣王衛疏載王酱渾天

こうし 義剛言伯靖以為天是一日一 過 時中星如何解不同更是如此則日日一般却如何 常光但初二三日照只照得那一邊過幾日漸漸移 過今月中有影云是沙羅樹乃是地形未可知 說一段極精密可檢看便是說一个現成天地了月 光在地下进從四邊出與月相照地在中間自遮不 得正到十五日月與日正相望到得月中天時節日 一度也曰此説不是若以為天是一日 1.1 朱子語類 周日則不及一度非天 一周則四 賀涨

説滑了口後信口説習而不察更不去仔細檢點而 説得甚分明其他歷書都不如此說盖非不晓但是 月今疏指其中説早晚不同及更行一度两處曰此 言論日月則在天裏論天則在太虚空裏若去太虚 今若就天裹看時只是行得三百六十五度四分度 紀歲把甚麼時節做定限若以為天不過而日不及 度則趙來趙去將次午時便打三更矣因取禮記 一若把天外來說則是一日過了一度季通常

一 欽定匹庫全書

欽定四庫全書 說曰天體至圓周圍三百六十五度四分度之一 地左旋常一日 子日日累上去則一年便與日會次日仲點附至天 日運一周依舊只到那角上天則一周了又過角此 浓動著些子又不在售時處了又曰天無體只二十 空裏觀那天自是日月深得不在舊時處了先生至 八宿便是天體日月皆從角起天亦從角起日則 此以手畫輪子曰謂如今日在這一處明日自是又 周而過一度日歷天而少遲故日 卷二路類

餘分之積又五千九百八十八如日法九百四十 十五日九百四十分日之二百三十五而與天會是 四百九十九而與日會十二會得全日三百四十 百四十分日之三百四十八是一歲月行之數也 得六不盡三百四十八通計得日三百五十四九 度十九分度之七積二十九日九百四十分日之 歲日行之數也月歷天而尤遲一日常不及天十 一日亦繞地一周而在天為不及一度積三百六 而

十有九歲七閏則氣朔分齊是為一章也先生以此 歲再問則五十四日九百四十分日之三百七十五 歲一閏則三十二日九百四十分日之六百單一五 有十二月月有三十日三百六十日者一歲之常數 十五者為氣盈月與日會而少五日九百四十分日 也故日與天會而多五日九百四十分日之二百三 之五百九十二者為朔虚合氣盈朔虚而閏生馬故 歲間率則十日九百四十分日之八百二十七三

朱子語類

問經星左旋緯星與日月右旋是否曰今諸家是如此 天道左旋日月星並左旋星不是貼天天是陰陽之氣 只恐人不晓所以詩傳只載舊說或曰此亦易見如 說横渠說天左旋日月亦左旋看來横渠之說極是 轉慢雖都是左轉只有急有慢便覺日月似右轉 在上面下人看見星隨天去耳窩 示義剛曰此說也分明義剛 一大輪在外一小輪載日月在內大輪轉急小輪

問日是陽如何及行得遲如月曰正是月行得遲問 晉天文志論得亦好多是許敬宗為之日月隨天左旋 行 急者反是緩歷數謂日月星所經歷之數 如横渠説較順五星亦順行歷家謂之緩者反是急 改作進字個 為進底度數天至健故日常不及他一度月又遲故 曰然但如此則歷家逆字皆著改做順字退字皆著 一度月行十三度有奇曰歷家是將他退底度數 夫子店頭 揚 Ð

欽定四庫全書 程子言日外降於三萬里是言黄赤道之間相去三萬 美聞李通云西域有九執歷却是順美胡泳 里天日月星皆是左旋只有遲速天行較急一日 則笑著那相去處度數多今只以其相近處言故易 向東便可見月退處問如此說則是日比天行遲了 不及天十三度有奇且如月生於西一夜一夜漸漸 夜繞地一周三百六十五度四分度之一而又進過 度月比天行遲了十三度有奇曰歷家若如此說

圓不曾缺如圓毯只有一面受日光望日日在酉月 天月行又遲一日一夜繞地不能匝而於天常退十 在卯正相對受光為盛天積氣上面勁只中間空為 在恰好處是謂一月一周天月只是受日光月質常 二度十九分度之七至二十九日半强恰與天相值 度日行稍遲一日一夜繞地恰一 度至一年方與天相值在恰好處是謂一年一 月來往地在天中不甚大四邊空有時月在天中 夫子吾題 周而於天為退 周

欽定四庫全書 E 機亦略有意但不似天之樞較切淳 是地影望以後日與月行便差背向一畔相去漸漸 月升降三萬里之中此是主黄道相去遠近而言若 遠其受光面不正至朔行又相遇日與月正緊相合 央日在地中央則光從四旁上受於月其中昏暗便 是受日光但小耳北辰中央一星甚小謝氏謂天之 日便蝕無光月或從上過或從下過亦不受光星亦 天之高則里數又熟遠或曰八萬四千里未可知也

火とりまたかり 明 有影般者爾及日月各在東西則日光到月者止及 日光到月四畔更無虧欠唯中心有少隱翳處是地 E 日光為可見月之望正是日在地中月在天中所以 為可驗也歷家言天左旋日月星辰右行非也其實 立八尺之表以候尺有五寸之景寸當千里則尺有 天左旋日月星辰亦皆左旋但天之行疾於日天 五寸恰當三萬里之半日去表有遠近故景之長短 一周更挽過一度日一日一周恰無贏縮以月受 朱子語類 +

星光亦受於日但其體微爾五星之色各異觀其色 未必然既曰日月則自是各有一物方始各有一名 **氣到寅上則寅上自光氣到卯上則卯上自光者亦** 若一例如此氣緊則人與物皆消磨矣謂日月只是 催緊東而成體但中間氣稍寬所以容得許多品物 其半故為上弦又減其半則為下弦逐夜增減皆以 天包乎地其氣極緊試登極髙處驗之可見形氣相 此推地在天中不為甚大只將日月行度折箕可知

金月四月 八丁

月蝕所謂紀前縮後近一遠三如自東而西漸次相 月行日外而掩日於內則為日蝕日行月外而掩 近或日行月之旁月行日之旁不相掩者皆不蝕唯 則金木水火之名可辨眾星光芒閃爍五星獨不如 此獨為天之樞紐是也日月薄蝕只是二者交會處 此眾星亦皆左旋唯北辰不動在北極五星之旁 小星是也盖此星獨居天軸四面如輪盤環繞旋轉 者緊合所以其光掩没在朔則為日蝕在望則為 夫子吾負 Ł

欽定四庫全書 先生論及機衡及黄赤道日月驅度潘子善言萬山本 日月升降三萬里中謂夏至謂冬至其間黄道相去三 萬里奏至黃道低伊川誤認作閥 謨 於內則為月蝕所蝕分數亦推其所掩之多少而已 不當天之中為是天形歌側遂當其中耳曰萬山不 而非中非是楊 之物雖天地之大亦有一定中處伊川謂大地無適 灰 相去之數形器

周 盡此說不是問論語或問中云南極低入地三十六 腳法謂極當天中日月遠天而行遠而不可見者為 是天之中乃是地之中黄道赤道皆在嵩山之北南 正居其中竟典疏義甚詳德明 極北極天之樞紐只有此處不動如磨臍然此是天 度北極髙出地三十六度如何曰圓徑七十二度極 之中至極處如人之臍帶也蘇 一問云極星只在天中而東西南北皆取正 朱子语類 +

月體常圓無闕但常受日光為明初三四是日在下照 南極在下七十二度常隱不見唐書說有人至海上見 極星便是北而天則無定位義則 南極下有數大星甚明此亦在七十二度之內義則 於極而極星皆在其上何也甚無以答後思之只是 是地影月古今人皆言有關惟沈存中云無關揚 在地下其光由地四邊而射出月被其光而明月中 月在西邊明人在這邊望只見在弦光十五六則日

釞定匹庫全書

卷;

COTE ME 月無盈闕人看得有盈闕盖晦日則月與日相疊了 望日則月與日正相對人在中間正看見則其光方 初三方漸漸離開去人在下面側看見則其光闕至 則氣不和時便無月恐無此理其云三五而盈三五 圓因云禮運言播五行於四時和而後月生也如此 而闕彼必不曾以理推之若以理 推之則無有盈闕 元初有月時日也說不得意 也畢竟古人推定事物似亦不甚仔細或云恐是説 古

問弦望之義曰上弦是月盈及一半如弓之上弦下弦 問 如二分二至也是四分取半因説歷家謂舒前縮後 是月虧了 皆四分天之一 近一遠三以天之團言之上歿與下弦時月日相看 所以光者以日氣從地四旁周圍空處迸出故月受 月本無光受日而有光季通云日在地中月行天 其光先生曰若不如此月何緣受得日光方合朔時 一半如弓之下弦又問是四分取半否曰 僴

多好四月分量

卷二

欽定四庫全書 問月受日光只是得一邊光曰日月相會時日在月上 月漸漸相遠時漸擦挫月光漸漸見於下到得望時 光又云月常有一半光月似水日照之則水面光倒 故見其圓滿若至弦時所謂近一遠三只合有許多 射壁上乃月照也問星受日光否曰星恐自有光德 日在上月在下則月面向天者有光向地者無光故 不是無光光都載在上面一邊故地上無光到得 人不見及至望時月面向人者有光向天者亦有光 基子招额

或問月中黑影是地影否曰前輩有此就看來理或有 暈也問日光從四邊射入月光何預地事而礙其光 **眼中間地是一塊實底物事故光照不透而有此黑** 曰終是被這一 月光渾在下面一邊望後又漸漸光向上去胡泳 之然非地影乃是地形倒去遮了他光耳如鏡子中 中有一人月為地所礙其黑有剪紙人貼鏡中以火光照 物遊住其光故不甚見也盖日以其光加月之 一塊實底物事隔住故微有嚴耳級 量之亦则 耳圆

吹定四車全書 一門 康節謂日太陽也月太陰也星少陽也辰少陰也辰非 是哉生明也開後漸亦光至望則相對故圓此後後 合故初一初二月全無光初三漸開方微有弦上光 亦相近盖陰盛亢陽而不少讓陽故也又曰日月會 星也又曰辰弗集於房房者舍也故十二辰亦謂之 十二舍上辰字謂日月也所謂三辰北斗去辰爭十 一故蝕月蝕是日月正相照伊川謂月不受日光意 來度日蝕是日月會合處月合在日之下或及在 未子指類

日食是為月所掩月食是與日争敵月饒日此子方好 歷家之說謂日光以望時遇奪月光故月食日月交會 問自古以日月之蝕為灾異如今歷家却自預先等行 文者關於所不見問祖 日為月掩則日食然聖人不言月蝕日而以有食為 當食而不食者有以為不當食而食者本之 是如何口只大約可箕亦自有不合處歷家有以為 漸相近至晦則復合故暗月之所以虧盈者此也

遇險謂日月相遇陽遇陰為險也根 日月交蝕道走。 横渠言日月五星亦隨天轉如二十八宿隨天而定皆 日月食皆是陽陰氣衰微廟朝曾下詔書言此定數不 無食揚 足為灾異古人皆不晓歷之故揚 有光芒五星逆行而動無光芒揚 星是陰中之陽經星是陽中之陰蓋五星皆是地上 ţ

欽定四庫全書 夜明多是星月早日欲上木上之際已先樂退了星月 莫要説水星盖水星贴著日行故半月日見 星有墮地其光燭天而散者有變為石者 其光不定緯星則不然縱有芒角其本體之光亦自 氣之餘凝結者凝得也受日光但經星則閃樂開闔 不動細視之可見個 本火土金水之氣上結而成却受日光經星却是陽 之光然日光猶未上故天欲明時一霎時暗揚 **老**二 楊 泳

分野之説始見於春秋時而詳於漢志然今 叔重問星圖曰星圖甚多只是難得似圓圖說得頂好 しょうれ たた 事两頭小中心漲又曰三百六十五度四分度之 却多驗殊不可晚廣 而已是時又未有所謂趙魏哥者然後來占星者又 大火辰星之説又却只因其國之先曾主二星之祀 想見只是説赤道两頭小必無三百六十五度四分 天彎紙却平方圖又却两頭放小不得又曰那箇物 朱子語類

銀定四庫全書 風只如天相似不住旋轉今此處無風蓋或旋在那 霜只是露結成雪只是雨結成古人說露是星月之氣 可見廣 或旋在上面都不可知如夏多南風冬多儿風此亦 言極西高山上亦無雨雪廣 不然今髙山頂上雖晴亦無露露只是自下蒸上人 無霜露却有雪其當登雲谷晨起穿林薄中並無

ここうう たか 露水沾衣但見烟霞在下茫然如大洋海聚山僅露 **說便是那裏氣清緊低處則氣濁故緩散想得髙山** 凝故高寒處雪先結也道家有高處有萬里剛風之 有露氣都吹散了所以不結若雪則只是雨遇寒而 峰尖烟雲環繞往來山如移動天下之竒觀也或問 髙山無霜露其理如何曰上面氣漸清風漸緊雖微 之說注家妄解云有九天據县觀之只是九重盖天 更上去立人不住了那裏氣又緊故也離騷有九天 朱子語類 九

銀灰四周有書 雪花所以必六出者盖只是霰下被猛風拍開故成六 問龍行雨之說曰龍水物也其出而與陽氣交蒸故能 者陰數太陰玄精石亦六稜盖天地自然之數 得又愈緊矣們 成雨但尋常雨自是陰陽氣蒸鬱而成非必龍之為 出 至外面則漸硬想到第九重只成硬殼相似那裏轉 行有許多重數統出至外其 如人擲一 團爛泥於地泥必濟開成發辦也又六 数自 加裏面重數較軟 僴

人とり見ない 問雷電程子曰只是氣相摩軋是否曰然或以為有神 雷雲雨之説最分晓木之 聚而成者但已有渣滓便散不得此亦屬成之者性 物曰氣聚則須有然繞過便散如雷斧之類亦是氣 必是上氣收盖無發洩處方能有雨橫渠正蒙論風 張子云其來也幾微易簡其宪也廣大堅固即此理 也客雲不兩尚往也盖止是下氣上升所以未能雨 一、借 朱子語類 Ŧ

雷雖只是氣但有氣便有形如蝦蝀本只是薄雨為日 問十月雷鳴曰恐發動了陽氣所以大雪為豐年之兆者 雷如今之爆杖盖鬱積之極而进散者也分子 虹非能止兩也而兩氣至是已薄亦是日色射散雨氣 物战仲 或為样義剛 雪非豐年盖為凝結得陽氣在地來年發達生長萬 所照成影然亦有形能吸水吸酒人家有此或為妖

銀牙巴屋 石里

伊川説世間人説雹是蜥蜴做初恐無是理看來亦有 成底也有是蜥蜴做底其少見十九伯說親見如此 僧曰官人帶被來少王甚惟之寺僧又為借得三兩 了楊 條與之中夜之間寒甚擁數牀綿被猶不媛盖山頂 別録十九伯誠確人語必不妄又此間王三哥之祖 參議者云當登五臺山山極 馬寒盛 夏攜綿被去寺 之只謂之全是蜥蜴做則不可耳自有是上面結作

欽定四庫全書 皆蜥蜴含水吐之為雹少問風雨大作所吐之雹皆 言所下之雹皆如蜥蜴所吐者蜥蜴形狀亦如龍是 領無恨蜥蜴入庵井中之水皆為飲盡飲記即 修道山多蜥蜴皆如手臂大與之餅餌皆食一日忽 所見者又夷堅志中載劉法師者後居隆興府西山 不見明日下山則見人言昨夜雹大作問皆如寺中 雹巴而風雨大作所吐之雹皆不見明日下山則人 陰屬是這氣相感應使作得他如此正是陰陽交爭 人 卷二指虫 吐為

太史公愿書是説太初然却是顓頊四分歷劉歆作三 古今歷家只推箕得个陰陽消長界分耳人傑 嚴然一行王朴之歷皆止用之二三年即差王朴歷 得初問圓上面陰陽交爭打得如此碎了雹字從雨 統歷唐一行大行歷最詳備五代王朴司天考亦簡 從包是這氣包住所以為電也 之時所以下雹時必寒今雹之两頭皆尖有稜道凝 是七百二十加去季通所用却依康節三百六十數

欽定四庫全書 今之造應者無定法只是趕越天之行度以求合或過 人傑 毫釐絲忽皆有定法如合符契皆自然而然莫知所 則損不及則益所以多差因言古之鍾律細箕寸分 起古之聖人其思之如是之巧然皆非私意撰為之 得古人一定之法也季通當言天之運無常日月星 下造歷者紛紛莫有定議愈精愈密而愈多差由不 也意古之歷書亦必有一定之法而今亡矣三代而 卷二柱类

問歷法何以推月之大小曰只是以每月二十九日半 こうう とす **忒皆可推而不失矣何者以我法之有定而律彼之** 使我之法能運乎天而不為天之所運則其跛客遲 辰積氣皆動物也其行度遲速或過不及自是不齊 被而不足以包之爾 侧 速或過不及之間不出乎我此虛寬之大數縱有差 無定自無差也季通言非是天運無定乃其行度如 此其行之差處亦是常度但後之造歷者其為數窄 朱子語類 Ī

中氣只在本月若機得中氣在月盡後月便當置因揚 多定四母全書 **閏餘生於朔不盡周天之氣周天之氣謂二十四氣也** 日月生明人傑 前月大則後月初二日月生明前月小則後月初三 六百四十分日之二十九計之觀其合朔為如何如 揚 月有大小朔不得盡此氣而一歲日子足矣故置閏 欲以節氣定晦朔不知交節之時適在亥此日

先在先生處見一書先立春次驚蟄次雨水次春分次 五子六甲二五為干二六為支人傑 或說歷四發日曰只是言相勝者春是庚辛日秋是甲 ,升問人言北朝 歷與中國歷差一日是否曰只如子 當如何分方子 正四刻方屬今日子初自屬昨日今人纔交子時便 穀雨次清明云漢歷也揚)日温公潜虚亦是此意人傑

こうえ

L. L.

朱子语類

玉

或問季通歷法未是曰這都未理會得而今須是也會 歷法季通說當先論天行次及七政此亦未善要當先 歷數微眇如今下漏一 然後七政乃可齊耳道大 然後論天行以見天度加損虛度之歲分歲分既定 必先天未子而子未午而午淵 論太虚以見三百六十五度四分度之一 唤做今日如此亦便差一日本之 般漏管稍強則必後天稍潤 則

銀灰匹庫全書

とこうをなす 是康節說恁地若錯時也是康節錯了只是覺得自 而今其自不曾理會得如何說得他是與不是這也 蔚 古以來無一箇人考得到這處然也只在史記漢書 布箕也學得似他了把去推測方見得他是與不是 |自是人不去考司馬遷班固劉向父子杜佑說都 同不解都不是質殊 統元歷紹與七八年間作及云局中暗用紀元 朱子語類 Ī

渾儀可取盖天不可用試令主盖天者做一樣子如何 先生當言數家有大小陽九道夫問果爾則有國有家 問周公定豫州為天地之中東西南北各五千里今北 得个軍天來有強。或録云 做只似个雨傘不知如何與地相附著若渾天須做 之 数 大。 者何贵乎修治曰在我者過得他一二分便足以勝 岩潭天之可為儀也四旁須有漏風處故 可有 否或云似傘能说盖天者 此作

一動坑四周至書

邊無極而南方交趾便際海道里長短爱殊何以云 外有岛夷諸國則地循連屬彼處海猶有底至海無 各二千五百里不知周公何以言五千里今視中國 地形有偏爾所謂地不滿東南也禹貢言東西南北 中而南北東西際天各遠許多至於北遠而南近則 底處地形方盡周公以土圭測天地之中則豫州為 到極邊與際海處南邊雖近海然地形則未盡如海 各五千里曰此但以中國地段四方相去言之未說

とこりまという 一

- 朱子語類

金月四月 狹想只是客相羈縻至夏商已後漸漸開闢如三苗 四方相去無五千里想他周公且恁大說教好看 苗所以也負固不服及萬里此為天地之中中 只在今洞庭彭蠡湖湘之間彼時中國已不能到 邊過縁北邊地長其勢北海不甚闊地之下與地之四 黑水之類又曰自古無人躬至北海想北海只挨著天流為弱水又曰自古無人躬至北海想北海只挨著天 **死舜於都冀州之地去北方甚近是時中國土地甚** 流必四有 五萬里 靣 去其東 * 雪見佛經說崑崙山 ф 者為 河頂其有 闽 如

人言北方土地髙燥恐暑月亦搖濕何以言之月令云 否曰然他理。 有形質否曰無只是氣之精英凝聚者或云如燈花 極高處轉得愈緊若轉緩慢則地便脱墜矣問星辰 邊皆海水周流地浮水上與天接天包水與地問天 是月也土潤溽暑天氣下降地氣上騰想得春夏間 有形質否曰無只是氣旋轉得緊如急風胀至上面 ,轉稍慢故氣候緩散昏昏然而南方為尤甚至秋

欽定四庫全書 海水無邊那邊只是氣蓄得住揚 海那岸便與天接或疑百川赴海而海不滥曰盖是乾 潮之遲速大小自有常舊見明州人說月加子午則潮 海水未嘗溢者莊周所謂沃焦土是也德明 氣清以其轉急而氣緊也個 了有人見海邊作旋渦吸水下去者鎮鞴之就好。 冬則天轉益急故氣候清明宇宙澄曠所以說天髙 卷二月前妻

蔡伯靖曰山本同而末異水本異而末同義剛 問先生前日言水隨山行何以驗之曰外面底水在山 陸子静謂潮是子午月長沈存中續筆談之說亦如此 指縫中行中間底水在指頭上行又曰山下有水今 **淡井底人亦看山脉節** 謂月在地子午之方初一卯十五酉方子 長自有此理沈存中筆談説亦如此德明 下行中間底水在春上行因以指為喻曰外面底水在 1.1

|飲定四庫全書 || **堯都中原風水極住左河東太行諸山相遠海島諸山** 冀都是正天地中間好箇風水山脉從雲中發來雲中 畔是華山聳立為虎自華來至中為萬山是為前業 脊以東之水則東流入于海前面一條黄河環繞石 案江南諸山及五嶺又為第三四重業時の義 遂過去為泰山聳於左是為龍淮南諸山是第二重 正高眷處自眷以西之水則西流入於龍門西河自 亦皆相向右河南遶直至太山湊海第二重自蜀中 老二月月 とこうをから 河東地形極好乃堯舜禹故都今晉州河中府是也左 一黨即今潞州春秋赤狄潞氏即其地也以其地極高 出湖南出爐山諸山第三重自五嶺至明越又黑水 與天為黨故曰上黨上黨太行山之極高處平陽晉 揚 州蒲坂山之盡頭堯舜之於都也河東河北諸州如 右多山黄河統之萬華列其前廣)類自北經統至南海泉州常平司有一大圖甚佳 朱子語類 Ž

多好四周全書 太行山一 河東河北皆遠太行山尭舜禹所都皆在太行下楊 問平陽浦坂自堯舜後何故無人建都曰其地碗齊 如何都得們 不生物人民朴陋儉嗇故惟堯舜能都之後世侈泰 太原晉陽等處皆在山之两邊窠中山極高潤如 最高處過河便見太行在半天如黑雲然揚 现石山後是忻代諸州泰山却是太行之虎山又 十里山後是忻代諸州泰山却是太行之虎山又 千里河北諸州皆旋其趾路州上黨在山脊

或問天下之山西北最高曰然自關中一支生下函谷 C. J Be Line **閩中之山多自北來水皆東南流江浙之山多自南來** 江西山皆自五嶺賴上來自南而北故皆逆閩中却是 支以盡乎两浙閨廣侧 水多北流故江浙冬寒夏熱們 自北而南故皆順揚 生下一支至揚州而盡江南諸山則又自岷山分 以至嵩山東盡泰山此是一支又自嶓冢漢水之北 朱子語類 主

荆襄山川平曠得天地之中有中原氣象為東南交會 仙霞嶺在信州分水之右其脊脉發去為臨安又發去 要作地理圖三箇様子一寫州名一寫縣名一寫山川 江西山水秀拔生出人來便要硬做升卿 恐無噍類義則 為建康義剛 處者舊人物多最好卜居但有變則正是兵交之衝又 名仍作圖時須用逐州正斜長短濶狹如其地厚糊

動好四屆 台書

或問南北對境圖曰天下大川有二止河與江如淮亦 先生謂張倅云向於某人家看華夷圖因指某水云此 形勢盖卿 常州九域圖如何曰其書細碎不是著書手段予決 紙葉子以剪振 水將有入淮之勢其人曰今其勢已自如此先生因 小只是中間起止朝 混同江却是大川李德之問薛 九川距四海了却逐旋爬疏小江水令至川此是大 た子岳百 Ť

欽定四庫全書 **基說道後來黃河必與淮河相並伯恭說今已如此問** 言河本東流入海後來北流當時亦有填河之議今 乃向南流矣力行 自後中原多事後來南流金人亦多事近來又北流 見 力差官去監那箇水也是肥只是未家其利先有衝 歸正人說西南貫 來故其勢亦衰流故金人盛今却 如何見得伯恭說見薛其說又曰元豐問河北流 又曰神宗時行於田策行得甚 梁山泊迤還入淮因看劉福家中原 來周 祖黄 **宏河**

Ja by mad Links 却低如何曰不會低他自擇一箇低處去又問雍州 者當時集衆議以此說為善又問河決了中心平處 從那邊不似而今作堤去打他元帝時募善治河決 其次第却如經量門簿所謂門簿者載此一都有田 是九州那裏高口那裏無甚水又曰禹貢亦不可致 不與他争放教他寬教他水散漫或流從這邊或流 之策令两旁不立城邑不置民居存留些地步與他 頹廬舍之患潘子善問如何可治河決之患曰漢人

朱子語類

Ī

一銀定四库全書 仲默問有两漢水如何有一水謂之西漢江曰而今如 御河是太行之水出來甚清周世宗取三關是從御河 若干有山若干節 閱州等處便是東川東川却有一支出來便是西漢 裏去三四十日取了只曰御河之水清見底後來黄 之故道近禹之故道節 河水衝來濁了曰河北流是禹之故道又曰不是禹 即所謂嘉陵江也義剛

漢荆州刺史是守襄陽魏晉以後以江陵為荆州節 吳大年曰吕蒙城在郢州其城方其中又有數重形址 南康郡治張齊賢所建盖两江之咽喉古人做事都有 道 漢時人任官於瓜州者更極前面亦有人往長安西門 意思又如利州路却有一州在劍閣外方子 州亦謂之春陵義剛 如井今猶存義剛 州即春陵武帝封子為春陵王後徙居鄧州至今鄧

C. Jones Links

朱子語類

İ

都京四母石書 九里揚